



寧澹齋全集卷之八目錄

祭文

祭座師朱文懿公

祭少司馬魏見泉先生

會祭楊楚亭憲長

祭座師楊文恪公

祭馮母劉太宜人

祭大行潘禹門年丈

祭黃性初年丈

寧澹齋全集卷八目

會祭陳渤海宮允

祭劉封公臨海先生

祭張母洪太恭人

祭座師唐宗伯



祭顧太師母

祭中翰陳心莪年丈

祭青州郡伯劉葵宇年丈

祭官庶馮源明親家

祭龍溪大令陳位宇年丈





祭姚母馮太孺人

祭王母羅孺人

祭許母張太孺人

祭外父繼蒙嚴先生



寧澹齋全集卷之八

句章楊守勤克之甫著

祭文

祭座師朱文懿公

嗚呼悲哉吾師之逝也吾師擅董賈之才負伊  
周之任當夫廻翔金馬狎主詞林而片語直通  
天神隻字足垂衮鉞天下孰不仰其文章陟宮  
端而馮翼孝德之倚賴晉秩宗而典章禮樂之  
輝煌天下孰不仰其闡望繼參端揆協恭寅亮  
寧澹齋全集 卷之八

荃宰同心正直是與傲泰隍而不尸其功調鼎

鉉而不居其美天下孰不仰其鴻猷與駿業迨

夫獨典要樞久專政柄翼翼厥猶慘慘畏瘁知

罔不爲忠靡不殫至貌爲之癯而神日以耗庶

幾夙夜匪懈靖共爾位乃上之所葬於師者日

深下之所求於師者日備而師不可起矣嗚呼

悲哉人亦有言其望彌隆則其責彌重其思愈

篤則其知愈寡夫相臣所爲當天下之艱鉅而

稱天下之極忠者惟其精有獨注而不爲衆分



誠有獨結而不必衆喻衷有所獨苦而不容以告人也如使不專于所獨而日揭其心事以號招于人則彌縫之術或幾乎窮而靖獻之思反幾于貳安稱相臣爲矣此吾師致主致身之貞憂國憂民之摯所爲九重知之天地神明知之而人人或未之知也然使當爰立之初終老東山怡情丘壑豈不可超然于畏途而忽焉江湖甘同洗耳何以副側席之望則師固不忍又使當引年之日一辭輒退生出國門豈不可

少蹇乎多口而懟焉拂衣自同悻面豈所施于君父之間則師亦不忍惟是處不忘君出而盡瘁一日瘁其位則一日竭其慮而躬且蹇蹇而憂且悄悄而目且不瞑則固甚賢于生何者其精有獨注誠有獨結而衷固有所獨苦也且臣道有終而臣職無終彼苟倖人言無及曾謂當爲止此而快焉瞑目者猶忠之薄也雅精不爲衆分誠不必衆喻衷不容以告人而抱痛長終則上臣事君存亡以之而猶未卽安者殆庶幾

焉生有清忠端亮之諭沒有祭葬贈謚之榮夫  
非所謂 九重知之天地神明知之者耶而况  
夫天無久而不定論無久而不明其共知共信  
者終有在也然則師亦可無戚于幽冥而無憾  
于滋憎矣獨計勤也才既疎庸性復迂拙生平  
未嘗一登大人之龍一通要津之筏而甲辰之  
役濫辱甄收僭先班筭且以一介草莽特遭殊  
遇師固何私勤亦何嫌而成我等于生我則捐  
糜不足報矣夫何匍匐南奔茹荼數載曾不及  
寧澹齋全集 卷之八 三

祭少司馬魏見泉先生

時沐夫教誨親覩其拮据而天不憖遺幽明頓  
隔謂之何哉陳詞告哀聊以爵臆師其鑒之否  
耶

嗟惟元老常嶽生申國之正氣人之天民宗祏  
大名畿南三鳳接武鷄行譽符伯仲悠悠南國  
爰理于荆茅靡波隨頽風漸成公當其時神君  
慈父相府戒嚴單門式舞 璽書內召驄馬如  
龍鐵簡霜飛風清殿中公當其時止輦借劔賜



環賜玦惟 帝克念兩遷終歲銓部南都公當  
其時淡然若無冰鑑昭昭大死井井旣哲且明  
爰定而靜 帝思彌直召佐大官公當其時詠  
歌伐檀京兆旬宣銀臺封駁門鮮陽喬味耽淡  
泊三晉絕塞控宣翼雲狡虜要求貂璫獬獬公  
當其時淵停岳峙免胄威宣露車禍弭心懷魏  
關身繫封疆一時國是片語真常九載窮邊馬  
騰士飽虎冠魂禡鼠穴跡掃忽瞻親舍白雲繞  
之草疏陳情皇皇歲時孰測其端孰隨其後甫

進壽觴倚廬在疚 帝鑒純孝襄事加恩公當  
其時鷄骨銷魂白日千年節哀順變懷此膚功  
更膺殊眷 詔晉司馬虛左遲卿金幣輝煌胄  
監分榮凡百薦紳相賀青鎖求舊使功聖心無  
我云胡不吊喪茲達尊白璧黃塵卿月昏昏嗟  
公之儔汲鄭曾史嗟公之助左右終始嗟公之  
介砥礪威稜嗟公之節茹檠食冰昔人蓋棺乃  
待論定如公生前共仰獨行他人謝事或多後

言如公勇退望重台垣生抱純忠死猶齋志不

朽者名不息者嗣勤等通籍後進寤寐儀刑老  
成凋謝哭公失聲絮酒炙雞采采澗沚悽愴焄  
蒿君我簋簋嗚呼哀哉

會祭楊楚亭憲長

惟公以台鼎之器負斗山之望當其登金闕而  
陟玉堂也揆藻則循官班馬臨池則驅役鍾王  
真足闡石渠天祿之藏而踵文懿公之芳躅矣  
已而出叅藩臬屏翰有方視學嶺表譽髦孔彰  
建南分割而一方奠于覆盂風紀總持而八閩

寧澹齋全集

卷之八

五

鞏于苞桑值島夷外訖人心內煽 天子方厯

東南之慮而四境晏如海波不揚誰其功也嗚

呼以公之才竟其所長使入典清華上叅密勿  
卽古所稱爲霖作楫者豈多讓焉而一疾爲祟

乞疏歸鄉甫閱歲而訃音至矣天不憖遺哲人

云亡公固無憾駕雲徜徉其如邦家倚用薦紳  
景仰何哉余等忝爲戚里復同詞垣固夙傾其  
有用之文章而矧今閩事多虞時艱孔亟思起

公於泉壤而不可得矣是用瓣香束帛敷詞醑



賜靈如不寐顧予斯將

祭座師楊文恪公

嗚呼天佑 聖朝實挺名世業擅千秋道隆萬  
禩誰其當者惟師允備保茲 天子輔導元良  
入弘啓沃出定典章衮鉞在手雲漢爲光譽髦  
多士師嚴道尊網羅俊乂桃李盈門方推枚卜  
望重台垣憶昔丁酉持衡文藪竭海探珠傾山  
取玫惟予玳珎亦宗匠剖兩赴燕市空惹京塵  
人輕康瓠師擬席珍知我生我寓內幾人夢寢

寧澹齋全集

卷之八

六

屢勞慮虛雅望適遂初心濫標人上誰作梯航  
茹茅寧忘木天翱翔伏讀中秘 帝簡吾師掩  
室教肄取裁百家漱芳衆菘聚樂何常丙舍索  
居顧諟明訓幸免憂虞方思北詣幸業精廬道  
貌天形宜弗而壽朝日秉虔如 帝親就云何  
一疾忽報歸輒鳳兮陡隱玉也頓藏時微楷式  
邦失棟梁矧余弟子能不重傷驛路蕭條陰風  
飄瞥空賦大招中腸若割幽明判途堪此長別  
天篤降喪人獨奈何壽年有旣德業難磨 九

重曰噫爾庸寔多爰加駿秩爰易鴻名輝煌邱  
典奕葉旒銘孰謂師亡沉淪九京靈輻歸閩道我  
錢塘盈盈水隔遙望徬徨嗽詞告酌顧此微將  
祭馮母劉太宜人

赫赫宗劉閨門靖共慈湖比潔世彩蘊琮猗哉  
淑慎以歸于馮堅貞格天嚴凝氣鍾繫昔太翁  
之舉孝廉也皇州起鳳北溟翔龍開甲第于燕  
邱步茂闕于甸東種玉而壺昭寅燕錫麟而井  
見祥虹其維內則之懿以佐君子之風旣太翁  
寧澹齋全集卷之八

七

之蚤世也城烏候旦秋霜隕空寢水飯荼靡他  
義融肅肅哲嗣慘慘孤踪豈難一死爲忍三從  
燈窻緝繡義方九熊鸞鶴翱翔以排雲鯤鵬直  
上而搏風其惟令範之素以啓昌大之宗迨夫  
我親翁之奮興也富石渠之秘貫竹書之叢載  
非常之筆班最近之榮萱闈以節而召祥 楓  
宸因孝而知忠表棹楔于宅里貽象翟于厥躬  
其惟推美于內德以徼異寵于 天衷廼者十  
數年之間 帝簡學士相德青宮屢典春秋之



文命數精巧匠于金鎔褒南國得人之盛將指  
日而晉貳公北堂日求庭前蔭穠容與忘憂旋  
稽奠苧庶幾太夫人以半生之鬱苦履無限之  
亨豐報未亡之榮壽慰夫子于九京之中也奈  
何自勤之南下驚傳坎壈之游逢芳蓀首萎閨  
玉慙凶顧茲眼前之途境何似往昔之最恫抑  
又暮景之弗堪實勞我心之憧憧而蒼頭卒至  
言告膺胷仲春庚戌太君已終爲哭失聲相向  
畫松天乎天乎以貞慈若太宜人而儉於年以  
寧澹齋全集卷之八  
八

孝敬若學士而冥冥之罔通耶云何失聲我有  
私悰丙午奉使別甫一冬痛冢婦之天長安歎  
生離而卽殯宮酷乎二豎先後殤童且不數年  
而並慘兩家之失恃奚忍言不孝之傷吾翁俯  
仰之際競想言容萬里馳臨五內若攻爰酌清  
醕侑以江鯛直悼邦家之背母儀豈爲一人之  
骨肉而心有蓬

祭大行潘禹門年丈

嗚呼元起稟雍州之勁氣浴涓水之清神孕嶽

而生肖嶽而立儀標裴玉聲叶陸鍾可不謂魁  
梧丈夫哉若乃胸羅百代業富千秋韞伯恭之  
黃中發宗元之繡口是尤有吐納造化瞬息古  
今者矣嗚呼相形若彼論心若此而胡僅僅四  
十有一終耶聞元起識兼星平數精生尅自謂  
運命已盡果爾則榮枯脩短信有尸之者而尺  
幅一定竟無何歟夫性命一原運數一理道備  
于易元起以易起家明進退存亡之正固宜其  
類趙達之知終匹景純之計日也然使元起以  
寧澹齋全集

卷之八

九

是栖真無用詎不可終其天年而受責頭顱貽  
冤短髮士或羞焉今且揚名天下列職大行弘  
文壯志業見於此矣况乃森森玉立有數丈夫  
子所以發攄千秋之業者又有在耶然則元起  
亦無怛化爲矣余等誼聯同籍情與休戚而兩  
脊之中作者八人興言及此涕旣隕之是用陳  
詞薦醴以告吾私神如不滅儼然右茲

祭黃性初年丈

嗚呼昔人謂天地爲不仁呼造化爲小兒予固



訝之而不能不憤惋于士選之逝也士選秀毓  
清漳靈鍾天柱得天亦云茂矣於書無不窺言  
語妙天下儲材則既富矣甫一試而鵬奮秋風  
載一試而鳳翔春曉遭際非不殊矣夫寶劔出  
匣而鋒莫犯駿馬下阪而勢莫遏此非其時歟  
夫何奉 詔歸省戒途未幾而訃音遂忽至矣  
嗚呼胡爲其然也意者蓼莪飲慟風木興悲感  
以遇增痛隨喜極故戴星披霜竭蹶敝策而遂  
以是殞其身耶果爾則其達也既以名顯揚其  
寧澹齋全集

卷之八

十

親其歿也又以身歸全其親倘亦可以快然長  
往矣否者體親憂而疾是慎保遺體而善自完  
始事親而終事君古大孝所爲當不止此夫詎  
不聞焉而顧自同芻狗甘爲小兒所愚弄也竊  
謂士選斷不其然余等誼關年籍情與休戚爰  
用炙雞絮酒瓣香束帛遙寄而酌之曰胡劔斯  
折胡驥斯蹶天不可問我心則愒士選有靈其  
奚辭以應我

波崩風駭世路傾淪使我公進不安於朝退  
不謀於海濱將翺將止嗟咄食貧其稅不具公  
百指之朝饗而秋不給公三月之醇謂造物所  
以倚公亦甚矣而詎復其年之嗇不下壽而露  
薤已凝塵嗚呼痛哉公豈爲此拘拘而還返真  
公家中丞瑰略獨操石亭先生光遠他耀繫我  
公之嗣武瞻海東之二嶠弼亮青宮摘詞綸  
誥爰秉藻衡洵登譽髦天祿石渠咀華陟要腸  
擴擴以無它氣磊磊而特超凡世所以用公未  
寧澹齋全集卷之八

窺公於一豹或自邇而卽之亦徒得公於其貌  
尸讒自庚帝闇孰叫聊一澆其壘塊曾何心於  
睨傲世所云喔咿而嚙兒或通脫而佻巧公豈  
其人哉而曾不得彼耽耽者開口之一咲嗚呼  
傷哉賈鵬徒悲仲翔獨吊扶遐溟以何羅啜尋  
聲而襲噪公胡遽岑岑而捐曩日之豁如言白  
其馬噓霾長嘯迓奏笛於桓伊解漉巾於栗里  
尋善釀之紀叟偶青蓮而排調松栢後身幹柯  
猶矯矧茲雛鷓之翾翾行雖喙而唳嘹長於上



古繫茲不老馮雲駟而來歎忻余言之匪謬蒸  
氣浮浮爛薰懸照

祭劉封公臨海先生

嗚呼哀哉吾太師臨翁之訃也吾師之涖吾寧  
也以直心行直道而加之仁恕民用不寃以是  
官雖以法爲名而士民愛之無異赤子慕慈母  
此豈無所自哉翁之潛德緒餘庭闈懿範茲少  
概見矣稽諸仁壽之理卽享百齡奚啻而乃僅  
踰稀年終耶吾師孝友天植往歲聞伯氏之喪  
寧澹齋全集

卷之八

十一

食不進肉衣不御綺慙慙然憂太翁之弗堪也  
去歲聞翁之壽而康則愉愉然喜以爲庶幾哉  
可無內顧以盡心民事於是戒役前迎就養官  
邸且朝夕延頸計不日可至而詎意以迎養遂  
竟以訃音來耶榮封在卽胡不少俟旦夕以慰  
孝子心乎痛矣痛矣寧之士若氓向聞翁之壽  
罔不懽欣鼓舞遙祝崗陵旣公徒之往迎也咸  
喜色相告曰自今得爲借寇計矣民惟慮師之  
以秩滿應辟去豈虞其懼此大戾使人欲攀轅

而不可得也勤荷蒙甄拔恩同大造某京邸受  
知情投魚水夫寧直父子骨肉手足間哉聞翁  
之訃而悲傷慘怛視諸士民蓋相萬也嗚呼吾  
師之戒行也卽琴鶴圖書且不備善養真不愧  
古人他日位通顯樹鴻烈以慰公於九泉者特  
餘事耳翁亦奚憾吾等亦奚以悲第誼切師門  
情關休戚生旣不克覲翁之儀容沒又不克挽  
翁于窀穸遙望遼陽慨焉傷盡陳詞告哀涕泗  
沾臆靈其如在皇于几席

寧澹齋全集

卷之八

祭張母洪大恭人

嗚呼太母駢鸞驚乎乘彩霧乎返寶婺垣會王  
母西池上乎胡訃奄至奉母諱乎嗚呼憶厥懿  
徽孝娛尊章克敬克戒儷太翁乎爲孟母迪子  
賢爲陶母勗子廉爲雋母問子平反爲鄭母聽  
子政治爲公父母老猶續乎於都哉訓比母師  
名輝贊冊伯仲奕奕諸姓英英祿無窮乎而尚  
何恫乎嗚呼太母則猶予母也余於親翁居同  
里則母同業同社則母同舉同籍則母同官同



郎則母同弱女備孫嬭則母同天寔不弔奪我  
依恃嬛嬛銜恤俛俛何歸每登堂奉母驩猶母  
也奉母教誨猶母也嗚呼今已矣余母遜中壽  
一歲而三釜之日淺太母先三歲享祿養而壽  
減一兩家哀子抱痛維均盡焉傷心不知涕泗  
之霑臆也嗚呼靈輻已發馬鬣斯封越南燕北  
一酌無從臨風遺絮我心憧憧西池宴罷右此  
哀悰

祭座師唐宗伯

寧澹齋全集

卷之八

十四

嗚呼我夫子之逝也夫子鍾扶輿間氣爲昭代  
師臣在世台鼎在天星辰當夫乘雲排浪則萬  
杰罕望其後塵揚芳揭藻而詞壇悉讓其嶙峋  
是皆以科名文彩翕絕夫子而夫子視之彌歆  
韜之彌恂夫且生平必殫夙夜維寅潔金玉以  
爲履澄江漢以爲神士競于華輦悅是逞而黜  
浮振靡力返以淳世競于適逝波俱往而秉正  
嫉回力挽其淪宮端引豈十載匪懈而司格于  
預爲度以身珪璋大命黼藻鴻猷而凜茲衮鉞

好矣緣綸若乃摠禮闈而司命我多士也無拂  
衣以示意惟投帽以矢公剖璞必耀範金必融  
班玉筍于點筆揭冰鑑於當空既弘之以薪醜  
仍砥之以磨礱登枝戒其忘本蕙表懲其棘中  
呈面恥其褻甲人貌醜其腥風然且飲以和煦  
飲以醇醲靡叩弗竭如響應鍾靡情弗達如照  
必容蓋置身喬嶽者夫子之不隨俗爲通而多  
方卵翼者夫子之善與人同勤等縱捐糜而匪  
報庶怙恃以無窮而胡服官盡瘁蹇集厥忠聞

寧澹齋全集

卷之八

儀聞訃重以隱恫壽未滿德溘焉告終嗚呼大  
星忽賁蜃噬不東朝虛玉鉉士失棟窿詎不悲  
哉勤等登夫子之門者其人三百而啣夫子之  
恩者其心則一如逝者之可代卽人百其何惜  
其如天不可籲數不可測徒令遡衣鉢而莫追  
想儀容而沾臆也惟是名垂三立業衍千秋樓  
臺鮮萊公之隙地桑田遜武侯之遺疇公門有  
桃李之植私庭絕槐柳之留矧克前之蘭桂盡  
逸足之驛騶逮蓋棺而論定邁往詰以爲壽夫



子方騎箕直上駕雲周遊而於恒化乎何有獨  
余懷兮罔極轉苑結兮徬徨瞻茆峰兮嗟峨隔  
易水兮渺茫閔靈輒兮在馭嗟遠道兮阻長環  
相嚮兮失聲酌血誠兮永傷

祭顧太師母

於維太母秀毓坤維德函異體婦德孔彰母探  
聿啓丕赫太翁爲世龍光中外敷歷楚越流芳  
母也佐之履豐戒盛勳以奉公豈以敷政天子  
日嘉寔資姁姁羣冠寵錫龍章累褒翁蚤騎箕

寧澹齋全集

卷之八

十六

猶存霄漢誕挺我師神飛刷翰臚傳象闕望著  
詞垣筆操袞鉞價重典璠文昌高懸斗山競式  
孝德翼馮宮端側席翩離繫念陟屺縈懷瀝情  
歸休綵儻庭堦帝眷儒宗復綬孝子特晉南均  
卽家爲仕出入色養玉粢金壘終索將振鞞萼  
遙開雁塔捷聞憲闈載喜社與德齊榮膺未擬  
胡遽溘然神遊帝鄉朱幡玉幢白雲渺茫嗚呼  
蘭萎留芳月沒存照母德彌芬母名彌耀行封

馬鬣以承恩馳司空治寔宗伯陳詞勤忝師門

獲階寸步振拔之仁洪于乳哺祈母大年以報  
所私候聞仙逝匪夷伊思方圖進觴而爲之奠  
方圖祝釐而爲之唁勤亦有母喪未及祥煢煢  
墓田情倍內傷執紼無從臨風苑結束芻告哀  
鑒茲懷切

祭中翰陳心莪年丈

嗚呼宜甫曾羅百代業隘千秋志凌霄而直上  
詞倒峽以狂流薦于浙則鄉推冠冕舉于燕而  
世仰驕驕斯非天所獨厚士鮮其儔者哉胡乃

寧澹齋全集

卷之八

十七

名上南宮臚傳

北闕秘省之授指日可必而

顧濡遲待詔積以歲月迨夫朝方拜命夕已永  
訣賀者未畢吊者就列胡數之竒胡命之劣痛  
矣云亡我心則愒雖然當其流連金馬累月不  
下氣躁者憤心競者詫倘甘枉尺詭遇以駕詎  
無他局榮名可射詎無旁竇餘瀝可藉爾寧株  
守而待斃無寄逕以自庸寧貂敝而屢空無投  
贖以爲通方且研求世務遣興詩筒將致遠以

用大肯隨世以就功而形勞神澁蹇瘁厥躬賚



志以歿抱恨長終凡我同籍能無悲恫嗚呼士  
固有辱身泥塗槁項寄宇如草斯朽如鼠斯腐  
孰與生不愧形死不滅名縱服窳其伊始同累  
華以爲榮况乃有子竒穎頭角英英鴻猷駿業  
行發揮其未盡而獨不含笑于幽冥是用陳詞  
酌酒慰爾仙靈神如耿耿鑒此悃誠

祭青州郡伯劉蔡字年丈

於維我兄碩大有儀藜燈輝映經史陸離發爲  
文章采旄桂旗匪茲壯氣孰建瑋詞孰是人耶

寧澹齋全集

卷之八

六

而止于斯兄昔奮揚射策軒墀風泉決決雲龍  
驟驟乃奉黃紙出宰東圻置水明介拔薤伸威  
爲隲方未報最及期至稱來暮去乃見思乃轉  
劇邑爽鳩是居一麾出守五馬匆匆魄值歲大稔  
寔展竒策拯彼遺黎集于中澤補劓息黔各有  
攸託 帝嘉丕績靈書褒錫匪酬厥施求民之  
莫秩滿亡何二豎爲豎盭爾騎箕神遊碧落金  
刀掩鉞長淮絕澗頗有象賢將縻好爵慰兄在  
茲食報不薄余等誼切墳箎彌嘆疎索聞笛嗟

其驚鴻冥漠縮酒陳辭英魂可作嗚呼哀哉

祭宮庶馮源明親翁

嗚呼天監清朝邇隆昭格保茲元良篤生儒碩  
輔導旣宏師保在卽胡木倏顛胡山忽拆厥初  
誕霽失怙銜恤晝荻丸熊母貞克迪弱冠登壇  
燕臺振翻藥榜聯標玉堂首陟揆藻絲綸抽圖  
崑壁瀝血報劉 聖心隱惻棹楔特旌翟禴載

錫爰晉宮寮寔資孝德夙夜趨陪以引以翼

帝眷東朝詹庶用秩龍章游加凝丞望亟名在

寧澹齋全集

卷之八

十九

金甌宣麻旦夕造化不仁陽九違厄數載抱病  
覬聞起色屯蹇朋來貞慈下席哀毀逾常遂損  
眠食含飴告痾鼓盆旋戚人生幾何百罹遜值  
一厥長終籲天靡克豈不痛哉嗚呼公壽弗延  
公德無斃三立備兼千秋赫奕子孝臣忠徽猷  
永式身上星辰業垂金石分校南宮秦茅彙吉  
全楚留都桃李遍植庭訓惟嚴青箱善述生榮  
死哀慰茲窀穸含葭享百年姻特婦天孫頌  
酌延宗祜惠顧彈殷存亡匪易豈曰繫援仰止



且爽今茲已矣幽明頓隔子則在南舍殮莫覲  
輜車暫遷末由執紼興言涕零感深今昔陳詞  
酌酒慨其傷盡靈如不忘鑒予肝膈

祭龍溪大令陳位宇年丈

嗚呼年兄胡溘以逝耶維兄以相金韞玉之質  
抱鑄古鎔今之才歷選舉而上賢書陟南宮而  
魁北闕可不謂試鏤鄒于初割騁驥足于脩塗  
而豐其植者畜其年名之成者祚之薄何也方  
夫筮令邗邑職未及俸而積室摧殘煢煢集蓼

寧澹齋全集

卷之八

三

迨夫復除龍溪齊東暇緩而落旆飲痛哀哀茹  
荼居亡何而一暨為異玉焚矣嗚呼以間

關叱馭奔走王程焉而死是謂死官以哀毀立  
骨銜恤靡至焉而死是謂死子死官死子均可  
以死而冉耕不祿伯道無兒胡天不惠至此耶  
余嘗爲君作南崖老人傳自老人下龐眉皓齒  
五世一堂殆古稱廖氏世家甘谷壽里者何至  
君之身而脩短相悖之戾也豈白石粼粼難出  
貴人今者白石隱貴人出矣彼以不用終其天

年者此遂以冠顯奪耶然則彼杖履而紆朱紫者又何說也亡其君實有遺行耶或陰德未厭于天心耶余屢過君子邸見其一食一息思不忘親口若三緘行罔失尺寸庶幾恂恂君子間爲子息計別置一室比出京察其母子持戀遂遣之歸任所適罄室中貲遺之卽此足以受遐福履壽命而胡僅僅終也嗚呼當世已矣箕裘無托誰則嗣之琴瑟在御誰則拊之之邁之軒青箱鄴架誰則承之總之達人委運脩短絕續寧澹齋全集卷之八

三

祭姚母馬太孺人

維母孝敬性成淑慎以則爲婦者範爲母者式勅事舅姑先意承志惠于太劉考終以逝推姑遺愛撫及厥嫗喪嫗若姑煢煢茶茹佐讀劉薦克相夫君表表鬢校式畏成羣爰啟令子業富



縹緗士推冠冕世識珪璋令子篤孝母疾是憂  
盤旋膝下同敢遠遊予忝世誼猶母事之倖先  
通籍爲子擇師遡厥家學莫汝行若請于母氏  
母則許諾汝行含淚戀不忍舍勉以壯遊勿予  
慮者挾筴來京車未停轍倏聞訃音哀毀幾絕  
皐魚之悲悲且至死余等抱首潛焉出涕因母  
之訃數母之德敬姜是儔孟媪是匹植德彌厚  
食報彌長子必雄飛孫且翱翔且酒且慰曰送  
汝行炙鷄絮酒以酌厥靈母如不昧鑒此微虔  
寧澹齋全集 卷之八

三

勿謂一滴罔及九泉

祭王母羅孺人

萬曆甲寅歲夏四月甲午日王親母羅太君仙  
逝時姻家翰林院修撰楊守勤已先期北發訃  
至武林舉家驚悼躊躇東望扶服弗能於是偕  
室人封安人嚴氏爲位旅舍哭焉蓋夫人于嚴  
爲母尊行于勤爲父執之元配且昔都丞公暨  
夫人並成家委會之義不但爲區區女子之適  
郎君也夏五丁巳纜舟淮陰遣男一琦肅將香

用牲醴之儀歸造几筵而告之其詞曰惟靈慧  
慈貞淑玉質蘭馨赫赫兩宗肅肅壺型繫昔夫  
人之誕名門也蟬聯世閥象翟詒英姆追周魯  
之教譽岳棣萼之榮其惟貴介之女士宜字華  
胃之琮璜暨夫人之歸我親翁也虔襄駿業敬  
助雞鳴貳州安德半刺錦城翼龔黃之播美邁  
張賈之行能輿誦載于青梁薦剡揚于 帝庭

其惟閩閩之令德克佐君子之芳名迨我親翁  
之考終也城烏候旦寒空凜冽翩翩賢胤羽翮  
軍澹齋全集 卷之八

鷓鴣何以畀之青箱一經寧比三珠之爭光勸  
勵何難五子之善繼休徵其惟慈範之素優豫  
占哲嗣之有興總之親翁以學術而運量夫人  
以勤儉而主衡治內治外義協施平王門母儀  
吾室章程方音徽之奉違且雪涕而沾膺矧蒼  
頭之戾止忽言告之吞聲厭彼塵世旋返玉京  
夫人往矣存順沒寧奈何尊行之歸盡而吾女  
之失儀刑耶天蒼蒼兮水泓泓風蕭颯兮魂杳  
冥凝神思兮海雲停魂其歸來兮鑒我悃誠



祭許母張太孺人

嗚呼碩人兮名姝之選毓粹孺于勾吳兮羨內  
德之獨全纓寶璐之陸離兮辨明月以爲環須  
良士以結綺兮洵匹休于伯鸞嗣鷄鳴以尸倣  
兮允賓儀之婉婉奉威章以樂康兮將魚菽以  
竭懼執俎豆之苾芬兮殫夙夜而維艷相夫子  
以騰驥兮跋天路之策鞭溥嘒星而逮下兮啟  
芳胤之翩翩師旣遂乎鵲起兮乃司鐸于青氈  
爾其甘簪花夜雨之蕭蕭兮怡首蓓以供饘佐

寧澹齋全集

卷之八

五

清操以颺著兮當路嘉其玉潔而氷堅爰揭銅  
符以試劇兮兆必琴以鳴絃甫朞月而報可兮  
嚴筦鑰以維虔邇榮問之休鬯兮歸闈職之其  
旋天將眷此脩姱兮賁翟茀之駢闐胡百六之  
忽覲兮遂一疾而棄捐士咸淒其悲切兮嗟婆  
賈兮珠沉淵猥余等之出自門墻兮荷培鑄于  
昔年瞻蕙惟之荒涼兮羗延佇而潺湲爰擷谿  
毛于甬之側兮挹泮水之涓涓望輻車而隸詞

哀辭兮恍容與之連卷

祭外父繼蒙嚴先生

嗚呼痛哉岳父之逝也岳父爲蒙齋太翁仲子  
髫年隨任弱冠承家豈不翩翩偉公子哉自遭  
兵燹之後家頗漸落而太翁日耽詩說禮不屑  
問生人產業伯旣浮侈自任季尚幼未更事岳  
父獨朝夕拮据不避勞怨厥維艱矣比太翁捐  
館舍殯殮葬祭殫厥心力始與昆季析七箸時  
或效計然圖起家而逢時不淑遇輒相左家廼  
益落遂至棄去故業遷徙坎壈備極身嘗重以

寧澹齋全集

卷之八

十五

反臂之累益以喪明之悲屯洳朋蹇其毒太苦  
蓋艱之艱矣乃今數年以來蔗境漸舒優游行  
樂入則雙白相對子息承顏出則賓朋交驩杖  
屨時集識者謂苦樂相乘困亨代禪此正怡養  
天年之時也而胡爲一疾告禘二豎爲祟遂溘  
焉長往矣豈不痛哉然岳父未嘗學問而事父  
母惟謹歲時薦享必誠必潔因心篤愛曾不幾  
微藏怒其孝友寔出天植未式古訓而志潔行

方貧有所不取議論務依名節非禮非法之地



未嘗妄一錯趾其介直若稟法程家徒壁立而  
憫人之乏不啻由已軫人之急無異剝膚身甘  
布素而弗慕軒冕弗羨豪華足已無求庶幾有  
逸民之風此其性行醇樸寧不足以迓續脩齡  
永介繁祉而胡僅僅以六十六終也天不可籲  
人無如何痛矣痛矣憶自壬午之冬不肖勤始  
獲事岳父時雖家已中葉猶支吾自給其所爲  
愛若女及婿者真猶子慇切未幾而衰夷轉甚  
不肖亦膠庠久伏鍛羽屢經棲遲抑鬱相憐相

慰者凡若而歲幸今始得寸進意謂稱百年觴  
以酬泰華恩者方有日焉而豈圖一旦成此永  
別也其慘痛又可勝道哉雖然吾父長岳父十  
年耳乃吾父先二年逝而不肖羈迹京塵疾不  
及視湯藥歿不及視含殮子婦孫屬俱不及與  
哭泣之位不孝之罪上通于天今岳父之逝也  
子媳在前孫枝新茂若女若婿若甥無不環侍  
以訣斯亦可謂備人世之完福而不孝所爲歛  
恨于終天者益篤也又况子皆克家孫方未量

其所爲展業亢宗以光復太翁之遺緒者固自  
有在岳父亦可長笑入地矣惟是痛幽明兮永  
隔追形響兮無從瞻靈輻兮乍發嗟彼蒼兮不  
庸潔牲醴兮泣酌庶來格兮雍容

寧澹齋全集卷之八

終

寧澹齋全集

卷之八

三七



